



鹽法考卷之十九

雲南

黑井在楚雄府白井在姚安府安寧井在雲南府
安寧州五井在大理府雲龍州俱雲南省轄楚雲
大叅府為禹貢梁州之域
姚安一府則古滇國地也

歷代沿革

滇處天末漢史稱滇有鹽池之饒是則贍軍佐賦以屬大農固國計之所存也乃唐宋以來法俱不可得而聞焉何哉明設官分吏各有司存歲簡巡方兼董其事置提舉司者四於黑井白井安寧井五井而分轄之歲辦鹽壹百捌拾貳萬柒千捌百柒拾柒斤又



五井提舉司歲折棉布柒百貳拾段

萬曆陸年崇禎元年俱與會計

錄同五井提舉司棉布每段折銀肆分伍厘每壹兩折鹽壹引

黑井開自元末兩山

壁立河水中流則出自河西山足者也又名大井對

各井言也又名西井對東井言也乃合提舉課司各

井總名曰黑井舉其大者言也白井亦開自元時傳

有羊羝土掘泉得滴故名白羊井又合提舉課司總

名曰白井亦舉其大者為言也安寧井距雲南柒拾

里一名洪源井迤州城西百餘步洪武年間始開五

井西北距大理府貳百肆拾里距省壹千壹百貳拾

里距雲龍州捌拾里亦開自洪武年間與安寧井俱

合提舉課司各井之總名也黑井轄者曰岩泉井郎

復隆井也隆萬之際衝沒開廢不常滴極濃竈多竊

汲牟利議開輒為齟齬然滴多必鹽壅課虧故限丁

日汲貳桶而涓滴不可溢矣曰東井居大井上流泉

脉相通汲多則鹽壅價賤日限壹百伍拾桶違者置

以法曰琅井滴水與安寧竈民共汲曰阿陋井曰猴

井以至於白石泉井南山廟等井

十二丁井白沙井

河邊井豐稔井納

甸井螞蝗井象鼻井小羊箐井十八丈井吧喇井改
板井鶯哥井豐際井豐聚井羅木井灣子井永勝井

袁信井袁朝鳳井張志才井報本井永泉井新興井
豐樂井豐桶井豐勝井豐潤井山嘴井七分井核桃
井周元井袁秀井馮湊井張必登井張時用井馮奴
香井馮國奇井段冬生井李那太井奇興井仙道箒
井房
邊井 或出自河或名以人或名以地其額課通共銀

叁萬捌百柒拾叁兩零白井轄者曰舊井曰橋井曰
界井曰觀音井傍有石井合為壹井不另署名曰灰
井曰尾井曰白石谷井曰阿拜小井出如湧泉在河
之沙洲天順間初開弘治正德年間鹽壅課逋嘉靖
間復開額歸大井代納萬曆貳拾柒年復開旋閉且
勤之石云阿拜小井係白井源頭永錮不許擅開共

額課壹萬柒百伍拾肆兩零安寧井轄者曰大界井
曰石井曰河中井與石井相連萬曆肆拾陸年淹沒
課銀派竈上輸曰新井曰琅井半屬黑井與黑井各

汲半而安寧常枯兼去司甚遠奸竈每借以逋課故
將安寧提舉移駐琅井焉共額課肆千柒百玖拾伍
兩零五井轄者曰洛馬井萬曆貳年地震井塌無滴
告閉曰石縫井在洛馬井左曰河邊井在洛馬井右
曰金泉井在石河二井上不數武嘉靖貳拾陸年開
名中泉井萬曆間滴旺更名金泉井曰民居新井曰

諾鄧井曰鵝井曰大井曰小井俱出山澗中曰石門
井曰中井在石門右曰大井曰正井曰波羅井曰牛
窩井與波羅井對出山澗邊曰古蹟井出河傍曰東
井在古蹟井右僅拾步曰山井郎中井有下井小井
在八里河畔之中曰天耳井在四里河畔兩夾之內
曰周春莊一名福壽井與天耳井隔河相對即天耳
井舊井是也曰師井出谷口中曰順盪井與麗江鄰
壤出萬山之中曰天生井曰小井與順盪井鄰僅十
數武其額課除白井行鹽鶴慶代納叁百兩舊額新

增共肆千陸拾捌兩零先是鶴慶故食五井鹽後因
白鹽色瑩味甘又無崇崗峻嶺之限而輦負易五鹽
色黑味苦遠隔層巒絕澗而灌輸難兼以鶴慶北連

川境川之黠商又以川鹽假名五井白晝通衢窘白
井商販而攫其貨且時訟於官鶴人殊苦之叁拾伍
年鶴郡曾為哀益而兩井丁竈枘鑿相持白五二井

累競無休至萬曆肆拾捌年按臣潘濬經理滇巖時

以山西道監察御史見課日虧政日馳遍詢黑白諸

井及山川土風與夫政務臧否凡得崖略條晰折衷

次第就舉始定以鶴慶歸之白井地贏應課與俱贏
白井歲增課叁百兩以鄧川浪穹仍歸之五井地絀
則課與俱絀而五井歲減課叁百兩輕重適均兩井
竈丁始得永守而息爭矣按復隆井酒濃一汲可當
黑井者五然食鹽止此人戶行鹽止此地方故酒多
則鹽日壅課且日逋是以開閉無常卽食安井鹽者
亦竊市復隆安井之商往往告困故復隆之開於民
便於課不便也又恐鹽直湧騰人情怨咨乃酌為四

二給酒之法

每丁日汲黑井澹酒四桶
止許汲復隆鹹酒二桶

而公私有交

利焉又白井鹽行鶴慶府路由鄧浪多私販議者欲
令由金沙江以杜其弊但迂迴數百里道皆榛莽且
夏秋水水洶湧瘴癘毒人舍正路而就遠道尤難強

也惟令五井於鄧川浪穹各立店置長以稽之而二

井復無偏勝法甚善已

令五井於鄧川浪穹二處各
立一店每店各選竈戶中有

自家者二人為店長如過商鹽先赴雲龍州領票願
鄧川者明註鄧川願浪穹者明註浪穹執票詣貳州
縣驗明店長照時價易賣其白井鹽嚴行禁阻如有
私越撓抗者許店長稟首不論賣主買主船戶歇家
一體重治店長
大率貳年一更
顧川鹽之禁過海之防尤不可不密
川鹽多私販以侵滇
利故須嚴立其防

而劍川二井貳百叁拾伍兩之

額課 劍川州有彌沙大井在溪澗石 和曲二井貳百

肆拾壹兩之額課 和曲州有只舊井距州壹百陸拾

俱洪武 年間開 其給酒分班 彌沙大井共竈玖拾叁丁分陸

拾肆丁分肆班每 越界販賣計之亦不可不詳也 和

井距馬街咫尺元謀縣民利白鹽易肥越界與販二

井炭炭手有廢機矣乃立碑府屬街場當聽二井發

賣不許姚 夫天下產鹽之區莫利於開而滇之鹽井

民再越 有開於此則必塞於彼者蓋山澤之利此盈彼絀自

然之理也人第知開之所以生之不知節之實所以

生之也司計者無輕議利孔為也

司鹺官制

通省清軍驛鹽道壹員 督理通省鹽法

黑井提舉司提舉壹員 舊有同提舉壹員副

鹽課司大使壹員

白井提舉司提舉壹員 舊有同提舉壹員副

鹽課司大使壹員

安寧井提舉司 舊有提舉壹員改移琅井其同提

舉壹員副提舉壹員大使壹員明 季裁革今 歸併安寧州管理

雲龍五井提舉司 舊有正提舉壹員副提舉壹 員明季裁革今該井課銀 歸

併雲龍州管理

諾鄧井大使壹員

大井大使壹員

師井大使壹員

順盪井大使壹員

查舊有大使伍員今山井大使未設

琅井提舉司提舉壹員

舊有鹽課司大使壹員在井徵課向屬安寧提舉司

所轄於明季時安寧井鹽課歸併安寧州管理其提舉司提舉改移琅井駐劄將大使裁

革

吏目壹員

阿陋猴井鹽課司大使壹員

和曲州只舊草溪井原係本州知州兼攝今歸併

黑井提舉司

劍川州彌沙井鹽課司大使壹員

景東井係新設原無提舉大使今景東府掌印同

知帶管

正課額例

一黑鹽井每月額課銀捌千兩年該課銀玖萬陸千兩

小盡不除遇閏加課銀捌千兩

又每月加煎鹽課銀貳千兩年該課銀貳萬肆千兩
小盡不除遇閏加課銀貳千兩

又代納只舊草溪鹽井每月額課銀貳拾壹兩捌錢
柒分壹厘陸毫陸絲柒忽年該課銀貳百陸拾貳兩
肆錢陸分肆忽今歸併黑井徵收小盡扣除遇閏加
課銀貳拾壹兩捌錢柒分壹厘陸毫陸絲柒忽

查康熙拾年捌月雲南巡撫李天浴題稱滇省玖井
鹽課每年共壹拾捌萬餘兩內黑鹽井額徵銀拾
貳萬兩有奇以各井較之則黑井已供三分之一而

行鹽地方與他井等未免偏苦查只舊草溪一井額
銀止貳百陸拾餘兩而行鹽則有武定一府和曲祿
勸二州地方甚廣應將該井裁去改食黑鹽又元謀
一縣向食白井鹽斤查白井課銀止貳萬捌千餘兩
比黑井減少三倍而行鹽地方又與黑井等並將元
謀一縣亦令改食黑鹽臣部覆

准查鹽既改食黑井每年課銀俱令黑井照數加納其裁
去只舊草溪一井即令封閉

一白鹽井每月額課銀貳千叁百捌拾兩年該課銀貳

萬捌千伍百陸拾兩小盡扣除遇閏加課銀貳千叁百捌拾兩

一安寧鹽井每月額課銀壹百陸拾伍兩年該課銀壹千玖百捌拾兩小盡扣除遇閏加課銀壹百陸拾伍兩

查安寧井鹽課明季舊額每日徵銀貳兩柒錢順治拾陸年滇省初定增至拾兩康熙元年平西親王吳三桂題

淮安寧人竈凋殘輸納艱難每日課銀拾兩減徵肆兩伍

錢實徵伍兩伍錢自順治拾捌年為始每年徵銀壹千玖百捌拾兩

一雲龍伍井每月額課銀叁百玖拾陸兩玖錢柒分伍厘年該課銀肆千柒百陸拾叁兩柒錢小盡扣除遇閏加課銀叁百玖拾陸兩玖錢柒分伍厘

查五井提舉司舊額有棉布柒百貳拾段徵解因滇中故明時民間交易俱用海貝以棉布縫口袋裝盛海貝凡遇小販往井買鹽俱用海貝仍用棉布口袋裝盛易銀作課所以有折準棉布之例至故明天啓

年間因滇中開鑄民間盡使銅錢不用口袋裝盛相沿至今並無折準徵收棉布之例

一琅井每月額課銀捌百兩年該課銀玖千陸百兩小盡不除遇閏加課銀捌百兩

一阿陋猴井每月額課銀貳百肆拾叁兩陸錢年該課銀貳千玖百貳拾叁兩貳錢小盡扣除遇閏加課銀貳百肆拾叁兩陸錢

一彌沙井每月額課銀叁拾叁兩叁錢叁分叁厘叁毫叁絲叁忽叁微叁纖叁塵叁渺叁漠年該課銀肆百

兩小盡扣除遇閏加課銀叁拾叁兩叁錢叁分叁厘叁毫叁絲叁忽叁微叁纖叁塵叁渺叁漠

一景東井每月額課銀貳拾陸兩陸錢陸分陸厘陸毫

陸絲陸忽陸微陸纖陸塵陸渺陸漠年該課銀叁百貳拾兩小盡不除遇閏加課銀貳拾陸兩陸錢陸分陸厘陸毫陸絲陸忽陸微陸纖陸塵陸渺陸漠

以上各井通共額課銀壹拾陸萬捌千捌百玖兩叁錢陸分

查明季滇省賦役額載鹽課肆萬伍千貳百貳拾貳

兩於

本朝順治拾陸年初歸版圖平西親王同經畧洪承疇酌
定新例每年課銀壹拾肆萬陸千壹百玖兩叁錢陸
分康熙元年題減安寧井課銀壹千陸百貳拾兩以
壹拾肆萬肆千肆百捌拾玖兩叁錢陸分為額又平
西親王續題景東井新開鹽井銀叁百貳拾兩黑井
增煎鹽票銀貳萬肆千兩共壹拾陸萬捌千捌百玖
兩叁錢陸分

雜課額例

一黑鹽井

公費銀肆百捌拾兩

竈丁編公費銀肆拾叁兩陸錢

商稅銀壹百叁拾壹兩叁錢伍分

窩酒銀柒拾貳兩

附徵窩酒銀壹拾捌兩

一白鹽井

公費銀肆百玖兩貳分玖厘

附徵商稅門攤銀壹百貳拾兩遇閏加銀拾兩

革菜門攤銀貳拾肆兩

一雲龍井

公費銀叁百貳拾柒兩貳錢壹分貳厘陸毫

一琅井

公費銀叁百壹拾兩玖錢壹分壹厘肆毫

商稅銀叁拾柒兩陸錢

鹽行課銀陸兩

米行課銀捌兩

酒行課銀伍兩

原編協濟安寧井公費銀捌拾玖兩伍錢

窩涵公費銀玖拾兩貳錢

一阿陋猴井

公費銀肆拾柒兩玖分叁厘

以上各井全書開載歲額雜款通共銀貳千貳百壹拾

玖兩肆錢玖分陸厘

額外雜課

一歲額黑鹽井店稅銀叁千柒百伍拾兩遇閏加銀叁百壹拾貳兩伍錢

康熙叁年平西親王題黑井鹽課除納正課外復於
省城立店徵稅計原額鹽每年陸百萬斤每斤伍毫
該店稅銀叁千兩加煎鹽壹百伍拾萬斤該店稅銀
柒百伍拾兩為脩理城工之用俟工完充餉

黑井產鹽井分

○竈丁捌拾貳丁

○見領涵叁區

○黑鹽大井

復隆井

○東井

查舊有白石泉南山廟二井產在兩山河水之中年
久淹沒並無涵水煎鹽

白井產鹽井分

竈丁壹百貳拾陸丁

見領涵伍區

觀音小石井

舊井

橋井

界井

灰尾井

查舊有小井如中井旁井白石井產居山箐又被衝

塞閉涸無滷不復開汲

安寧井產鹽井分

竈丁伍拾丁

見領滷伍區

洪源井

新河井

石井

鷲井

大界井

查安寧州舊有新井衝沒於故明崇禎年間復開鷲

井以抵新井

雲龍五井產鹽井分

竈丁叁百叁丁

見領滷捌區

金泉井

諾鄧井

大井

天耳井

石門井

山井

師井

順盪井

查舊有石縫河邊民居等井鷲井小井又被衝塞無

滷煎鹽

琅井產鹽井分

竈丁捌拾伍丁

見領瀆壹區

琅井總名此外並無小井

阿陋猴井產鹽井分

竈丁玖拾叁丁

見領瀆捌區

阿陋大井

奇興井

袁信井

袁朝鳳井

納甸井

羅木井

吧喇井

猴井

查舊有各寄水井眼在明季初開之時或以人起名或以地起名各井出瀆無多歷經年遠或係衝埋或係涸塞無瀆可汲

劍川州彌沙井產鹽井分

竈丁肆拾玖丁

見領瀆貳區

彌勒大井

橋後小井

景東井產鹽井分

竈丁拾丁

見領瀆貳區

大井

小井

查景東府屬彝人產有土井在明時土人自煎自食不為行鹽徵課

本朝於順治拾捌年為始增入課額

和曲州只舊草溪二井

今裁併黑井提舉司二井封閉不煎

麗江府蘭州井

查該府屬俱係彝人蘭州井在故明時未經開煎於本朝順治拾陸年定各井課時亦未開載今蘭州雖有州名井名空存名色無官管理乃係彝方之地名

黑井食鹽地方

雲南府

昆明縣

祿豐縣

嵩明州

晉寧州

歸化縣

呈貢縣

昆陽州

富民縣

羅次縣

宜良縣

尋甸州

曲靖府

南寧縣

馬龍州

霑益州

羅平州

陸涼州

亦佐縣

越州衛

平彝衛

陸涼衛

澂江府

河陽縣

江川縣

陽宗縣

路南州

廣南府

富州

廣西府

師宗州

彌勒州

維摩州

密納灣

三鄉城

普安州

十八寨

查定遠縣原係食黑井鹽斤地方因該縣鄰近黑井
易滋夾帶故與白井之普安州相易再易門三泊二
縣與阿陋猴井之十八寨相易

武定府

和曲州

祿勸州 係只舊草溪井改歸

元謀縣 係白井改歸

白井食鹽地方

姚安府

姚州

大姚縣

楚雄府

楚雄縣

定邊縣

定遠縣

廣通縣

南安州

鎮南州

碶嘉縣

大理府

太和縣

趙州

雲南縣

賓川州

蒙化府

鶴慶府

景東府

北勝州

順寧府

雲州

馬街

查新興州原係食白井鹽斤地方因該州離井寫遠

不便商運易食琅井鹽斤議將元謀縣馬街易食白

井鹽斤今元謀縣又改歸黑井

安寧井食鹽地方

臨安府

建水州

石屏州

阿迷州

寧州

通海縣

河西縣

嶺峨縣

新平縣

新化州

雲龍五井食鹽地方

劍川州

順州

永昌府

保山縣

永平縣

騰越州

施甸

鳳溪甸

三宣

鄧川州

浪穹縣

琅井食鹽地方

臨安府

建水州

石屏州

阿迷州

寧州

通海縣

河西縣

嶺峨縣

新平縣

新化州

以上與安寧井同

新興州

查新興州原食白井鹽斤地方因白井琅井鹽斤互

相攙雜不分疆界故將新興增入琅井

阿陋猴井食鹽地方

蒙自縣

新城

三泊縣

易門縣

查十八寨原係行阿陋猴鹽地方因路途遠商販
裹足本地相鄰彌勒州居民願食黑井鹽斤故將黑

井之易門縣三泊縣與十八寨相易以從民便

彌沙井食鹽地方

劍川州沙溪

觀音山

石碑坪

上牛街

觀音閣

石曲

景東井食鹽地方

景東府

雲南事例

一順治拾柒年貳月雲南巡撫林天擊題稱滇產黑白

安伍等井汲瀆煎鹽僅行本省地方年該課銀肆萬

伍千貳百貳拾貳兩迨崇禎年間漸有增加至伍萬

壹百餘兩遇閏加徵本季壹月每多逋欠自偽逆踞

滇橫徵暴斂遂於井課疊加數倍且以滇鹽攘行黔

中湖南而取之已盡錙銖民不堪命今地方甫定目

擊傷殘田土荒蕪將來稅糧無幾計維鹽課一項可

資緩急初擬仍照明季舊額則軍興浩繁涓滴莫補

若復照偽逆加徵則商竈逃亡難堪重困於舊額偽例之中變通酌濟照酒煎鹽照鹽辦課設法招徠除去繁苛借給柴本寬其課期於本年陸月為始印票給商赴井支鹽辦課每歲約計課銀倍於舊額然盈縮隨時未敢即以此為定規惟視現在徵收為確數按期解交司庫或餉不繼亦暫那鹽課接濟俟錢糧足額經制已定再歸本項臣部覆

准查官兵新設原無額餉暫那鹽課接濟亦應如議以濟軍需年終報部核銷至鹽務事宜該省地方初定應

勅撫臣多方招徠以恤殘商以裕

國課

一順治拾柒年捌月雲南巡撫林天擎題稱滇省八井賦役額載課銀肆萬伍千貳百貳拾貳兩至順治拾陸年初歸版圖選委鹽法道酌井立票照酒煎鹽計鹽納課新例每年課銀壹拾肆萬陸千壹百玖兩叁錢陸分遇閏照加小建扣除至酒有消長時有豐歉又在隨時斟酌調劑難以拘定臣部覆

准查每年鹽課銀兩地方初定姑准所請暫以壹拾肆萬

餘兩為額俟地方大定之後人烟湊集該撫另行酌定經制再議

一順治拾捌年拾月臣部覆雲南巡撫袁懋功題稱順治拾柒年分滇陽等驛官役堡夫廩食等項動支鹽課銀兩應聽戶部查照臣部覆

准查該省鹽課銀兩先經經畧輔臣洪承疇題稱雲南新服尚在用兵應用錢糧無出暫將鹽課動支俟年地方大定歸還隨經臣部覆

准俟大定之日仍用兵部項下銀兩其鹽課仍歸臣部撥充兵餉等因奉有

俞旨此案今為期將及三載鹽課銀兩應還臣部撥充兵餉相應請

勅該撫自康熙元年為始將鹽課銀兩貯庫聽候臣部撥充兵餉不必再行挪移別用

一順治拾捌年拾壹月雲南巡撫袁懋功將該省順治拾柒年分各井商稅雜款銀兩造冊題報臣部覆

准嗣後一切正雜鹽課俱應在年終彙同一併奏銷不必陸續題報致難稽核

一康熙元年叁月雲南巡撫袁懋功為報銷鹽課銀兩
題稱雲南各井鹽課明時舊額每年正課並加增兵
餉連閏止該銀肆萬柒千肆百陸拾陸兩零今新定
課額每年共徵銀拾伍萬陸千伍百叁拾兩零比舊
額每年增出銀拾萬玖千陸拾叁兩零以今視昔加
踰三倍或照票增課或按日輸銀徵權之法既徹底
更張舊時名目自不能盡合如黑井原有提舉司廩
銀伍百肆拾兩扣解司庫充餉此舊例也今黑井已
增課銀柒萬肆千柒百壹拾伍兩陸錢陸分零悉充

正項其前項廩銀伍百肆拾兩即在新增數內是以
無從扣解白井餘瀆銀伍百柒拾肆兩伍錢全書原
載入額課內起解今白井已增課銀壹萬捌千叁百
玖拾捌兩柒錢柒分零此銀即在新加課額之內安
寧井公費銀肆拾柒兩柒錢伍分查安寧井舊額有
閏課銀壹千陸拾叁兩零平西王臣初議每日定課
銀拾兩年該銀叁千陸百兩繼因瀆潢柴貴竈民喋
喋告苦辦納不前已蒙王臣兩次批減每日止定課
銀伍兩伍錢順治拾柒年分共徵銀叁千陸拾肆兩

伍錢比舊額增銀貳千捌拾叁兩零其公費銀肆拾柒兩柒錢伍分亦併入新加正課之內此皆諸臣再三斟酌更定新增之額也合筭黑井提舉廩銀白井餘酒安寧井公費三項共銀壹千壹百陸拾貳兩貳錢伍分部臣查照全書議令徵收充餉蓋從

國用起見但此三項銀兩業已併入新增正課之內未嘗豁免而不徵也若欲清還全書款目必須於新加

正課銀拾萬玖千陸拾叁兩之內摘出銀壹千壹百陸拾貳兩貳錢伍分以符舊日雜款然此增彼縮似

乎無益

國課而徒見紛更若欲於額外再加雲南鹽課已增拾萬有奇竈民見在稱苦求減殆無虛日豈堪復事加增臣部覆

准查三項雜款銀兩該撫既稱併入新增正課之內自難復令各井重納每年即照見今雜款徵收不必更改項款

一康熙元年柒月平西王吳三桂為課銀加重難完懇行豁免題稱順治拾陸年滇省初平軍需孔棘臣與

經略巡撫議將各井加增課銀聊為協餉之助計全
滇除舊額肆萬柒千肆百陸拾餘兩之外新加拾萬
玖千陸拾叁兩此臣等權宜設處之意也如安寧井
舊額日徵課銀貳兩柒錢今增至拾兩三倍其額當
時惟按井議增實不知安寧人竈凋殘井瀆味淡續
據竈民訴苦臣思軍需固不容寬殘民亦所宜恤與
其刻數追納賠苦難完孰若昭布

皇恩酌量議減臣之所以批免者正在損中求益但查該
井舊額歲徵銀玖百捌拾壹兩貳錢今照臣批以伍

兩伍錢為額每歲尚徵銀壹千玖百捌拾兩較之舊
額已過一倍矣請將安寧井日定課銀拾兩內准減
肆兩伍錢實徵伍兩伍錢自順治拾柒年起歲徵銀
壹千玖百捌拾兩過閏加徵銀壹百陸拾伍兩以為
定額其拾柒年分臣批免課銀肆百柒拾伍兩伍錢
仍行豁免使井民安心辦課臣部覆

准查該井批減課銀先因未經題明臣部未便遽准除豁
今平西王既稱民竈凋殘題明請減應如所議自拾
捌年為始每年以壹千玖百捌拾兩為額過閏加徵

銀壹百陸拾伍兩其拾柒年批免銀肆百柒拾伍兩伍錢免追俟竈戶轉集之日該撫仍照數徵收

一康熙元年捌月平西王吳三桂為查出土府井課恭請載入全書題稱雲南景東府鹽井其來已久在明季時土人隱漏未定課程遂遺於經制之外今據該司查明除該府額載差發土銀一款照舊徵納外至鹽井課銀合照鹽法道酌定之例歲徵銀叁百貳拾兩永為定制自順治拾捌年為始徵收入額臣部覆准查景東府鹽課既經平西王查明應徵應如所議以叁

百貳拾兩為額合將此項銀兩附入雲南省額徵鹽課之內自拾捌年為始按年徵解以充兵餉

一康熙叁年貳月平西親王吳三桂題稱黑鹽一井自開滇後題定額課月徵銀捌千兩每歲解兌卽年俱經巡撫題報此正項之課也今臣所

請者蓋以黑井課鹽發至省城然後轉發各處故議於省城設店居之一則賈販有歸再則便於稽察此中量徵其稅以為工役等費之助此名店稅乃設法於正課之外者也臣部覆

准查該藩疏稱黑鹽井鹽課除納正課外復於省城立店徵稅相應允從每於歲終應令雲南巡撫將收支過細數造冊送臣部查核俟城工修理完日此項鹽店稅銀番充兵餉

一康熙肆年正月雲南巡撫袁懋功題稱奉戶部行查雲南地方已定其鹽課銀兩應令該撫另定經制并應否領引行鹽酌議具題查得滇南遠在天末地瘠民貧井口僻處一隅山高峻峻道路崎嶇商販運發鹽斤皆是肩挑背負况行鹽疆界狹小食鹽戶口寥

寥故明時正課加增通共年該銀肆萬叁千玖百伍拾伍兩捌錢捌分零此萬曆年間舊額實徵之數也至順治拾陸年間歸入

本朝版圖彼時平西王會同經畧巡撫酌議招商立票議定各井課額俱自順治拾陸年陸月初壹日為始刊引給商按月納課新定年該銀壹拾肆萬陸千壹百零玖兩叁錢陸分遇閏照加逢小盡扣除若以新舊相較正課已加至拾萬有奇三倍往昔商竈業已難堪以故順治拾柒年即有安寧井瀆淡人逃煎辦不

前之控至康熙元年平西王具有課銀加重難完一
疏題

請減免今各井皆見在乞減惟得定額無虧已為至足豈
堪另定經制如黑井鹽課在明時年該課銀壹萬捌
千捌百叁兩肆厘今新例立票領引定銀玖萬陸千
兩若謂經制已比舊額加增數倍見今商竈告艱因
奉

題定額數不敢紛更白井明季額課歲該銀壹萬壹百
陸拾壹兩貳錢零民尚稱難新例立引行鹽定課銀

貳萬捌千伍百陸拾兩較往昔課額已多兩倍商竈
交困尚在求減何敢議增琅井鹽課成化年間日該
銀壹拾陸兩陸錢叁分玖厘年共該銀伍千玖百玖
拾兩玖分零今奉新例頒引招商每年定銀玖千陸
百兩較之舊例加增一倍萬難另議經制雲龍井井
口四散人烟稀少查明季時鹽課年該銀肆千肆拾
貳兩陸錢貳分零新例年定銀肆千柒百陸拾叁兩
柒錢尚若追徵不前其領引行鹽原無舊例安寧井
明時日該課銀貳兩柒錢貳分伍厘陸毫順治拾陸

年內加至拾兩繼以戶竄入逃蒙平西親王題

准日以伍兩伍錢為額原無領引之例河陘井先期萬曆
年間日定課銀壹兩柒錢肆厘叁毫捌絲今新定課
銀每日捌兩壹錢貳分已加增三倍有餘斷難再加
原不立票只舊草溪井小課微井口離州城百里產
酒無多課銀已定至貳百陸拾貳兩肆錢零豈能另
定經制實不能領引行鹽也彌沙井坐山箐彝方地
界出產鹽微課銀已定肆百兩較之往昔增倍不能
另議經制領引行鹽矣又景東井所產井酒原係土
井不在鹽課版圖之內順治拾捌年起年定額銀叁
百貳拾兩為額係蒙平西親王題

准新增其鹽只在府屬一隅食用不能再議經制領引行
鹽也自此無閑正課除安寧井之豁減加景東井之
增額歲以壹拾肆萬肆千肆百捌拾玖兩叁錢零為
定則已盡滇雲之物力臣必不敢妄搖成例以致商
竈交用上損

國課下厲民生也臣部覆

准查該省鹽課既稱較明季額數已增數倍今地方荒殘

難以加增應仍照舊徵收俟人民聚集鹽課充裕該
撫再行題增

一康熙肆年伍月雲南巡撫袁懋功題為更定鹽法考
成奏銷之例以示畫一之規臣部覆

唯查該省巡撫及鹽法道係總理鹽法督徵之官本年鹽
課全完者紀錄加級應照運司例各井提舉大使等
官係分管經徵之官一年全完者俱照分司州縣等
官例按銀數多寡紀錄至安寧等井不設提舉大使
例係地方官帶管徵收其完欠考成各有責任則地

方帶徵之官自當與經徵者一例議叙

一康熙肆年捌月平西親王吳三桂題稱雲南井鹽各
有分行地面如省城以東一帶皆行黑井之鹽此定
例也查黑井見額每一月煎鹽伍拾萬斤分為歲百
票每票貳千伍百斤商民於驛鹽道領票納課每票
壹張月徵課銀肆拾兩歲共徵銀玖萬陸千兩遇閏
加銀捌千兩此額課也惟是康熙貳年以前兵民食
口與月發鹽數差足相當不至窘乏至三年以後臣
下官兵家口遷移到滇食指甚繁鹽不敷用偶或欠

缺市價倍增殊未稱便况黑井瀆有餘饒與其不足
以稱艱孰若增鹽以益課議將黑井之鹽除見額月
煎伍拾萬斤計貳百票仍係商民領票發賣外今令
該井每月再增煎壹拾貳萬伍千斤分為伍拾票每
票貳千伍百斤聽驛鹽道給票付臣下商人領發以
供臣下官兵家口之用每票照例月納課銀肆拾兩
壹月該銀貳千兩壹歲共銀貳萬肆千兩遇閏加銀
貳千兩驛鹽道照數徵收解布政司聽撥兵餉臣部
覆

准查平西親王下官兵家口用鹽不足增鹽增課應如所
請但查王下人交易先因廣西省王商巡按田昇龍
題恭禁革今不便給票付王商領發仍應責成驛鹽
道照例給票付民商納課交易其所增課報報部充
餉年終一例考成又於康熙伍年肆月平西親王吳
三桂題稱黑井每月增鹽壹拾貳萬伍千斤分為伍
拾票領發辦課一向行文黑井提舉聶開基加添竈
丁僉選民商梁海渥等伍拾人各領票壹張赴井領
鹽發賣每月納課銀貳千兩歲共銀貳萬肆千兩遇

閏加銀貳千兩自康熙肆年拾壹月初壹日為始該
道徵解布政司聽巡撫同黑鹽井舊課題報充餉臣
部覆

准查前項增出銀兩應自康熙肆年拾壹月初壹日為始
每年併入舊額一體考成

一康熙伍年伍月平西親王吳三桂為報明歲增店稅
題稱黑井之鹽發行迤東者於省城量徵店稅以供
城工等費之需查舊額貳百票康熙叁年徵過店稅
銀叁千兩已經撫臣題

報今新增伍拾票照前例每年該徵店稅銀柒百伍拾兩
此於額課之外增出者自康熙肆年拾壹月起至本
年拾貳月終止計兩個月伍拾票該徵店稅銀壹百
貳拾伍兩并康熙伍年以後逐年所徵之銀應與前
案題設店稅合為一項以供修理城工之費年終專
聽巡撫奏銷臣部覆

准應如所議自康熙伍年為始逐年新增之銀與前案題
明店稅合為一項以供修理城工之用年終聽該撫
核銷

一康熙捌年叁月雲南巡撫李天浴為更定鹽法考奏
銷之例以示畫一之規題稱安寧雲龍只舊草溪景
東等肆井不設提舉大使例應地方官帶管徵收其
完欠考成各有責任臣部覆

准查安寧等肆井向因不設提舉大使係地方官帶徵當
與經徵一體議叙先於康熙叁年題明在案以後令
該撫開寫經徵字樣不必另寫帶徵

一康熙玖年貳月雲南巡撫李天浴為懇息定價以資
民食題稱據雲南士民鹽商公呈批行該道會同布

政司查稱滇省初定鹽法適值餘氛未靖大兵雲集
軍餉浩繁加增課餉有由來矣自開闢後復有土酋
作叛兵興旁午敢不撫慰勸輸追呼足額以濟軍需
所以從前之課縱辦納維艱俱係各商揭借措完今
果力窮徹骨不能完納且鹽貴壅滯不能出賣商人
呂駿聲等故爾迫情具控查通省額課年該銀壹拾
柒萬有奇遇閏至拾捌萬有奇考之故明鹽政考書
通省課額有閏止該肆萬肆千伍百餘兩刊載甚明
駿聲等稱四倍於昔其言不謬且滇南一省不通舟

緝鹽井離省寫遠山高峻嶺牛脚而行每鹽百斤脚價不下壹兩貳叁錢不等尚有盤纏歇店等費而柴薪額課不與焉商本先貴額課又重鹽價豈能縮減近省者就便買食每百斤價銀陸兩其山谷鄉村以及外府州縣商販又不無脚價盤用每百斤約至捌玖兩矣所以民不為食毋怪乎士民王元標等有鹽價騰貴願息求減之控也總之課增而鹽價自增價增而窮民不得買食民不買食課從何出且滇鹽不比他省堆集日久均皆腐爛商民困苦至此極矣况

鹽乃必需之物若不急請減課以減價值將來

國課必至逋負而小民食淡之苦終無已時也因臣查

鹽乃日用必需之物在滇省尤甚雖馬牛生畜日必食之否則傳染易於倒斃而其價則數倍於他省他省鹽價至貴每斤不過壹分有零滇省則至陸柒分甚至捌玖分者以致民不為食深山窮谷竟有不知鹽味者矣究其騰貴之故僉云課重稽其課重之源則因關滇之時兵馬雲集餉糈浩繁司餉者不得不於此中籌畫以致每歲額課銀壹拾捌萬有奇民苦

淡食商苦納課商民交困日甚一日請祈

勅部酌議查故明滇省額課若干今宜加增若干將見在額課再為更定臣當以額課定每斤之鹽價張示通知臣部覆

准查滇省鹽課於順治拾柒年間該撫具題每年課銀壹拾肆萬陸千餘兩遇閏照加小建扣除臣部因地方初定姑准所請俟地方大定人烟湊集另行酌定經制後地方已定經平西親王陸續題增銀叁萬餘兩每年共銀拾柒萬有奇遇閏拾捌萬有奇自順治拾柒年至今每年俱經全完今何稱商民交困該撫所請應無容議仍照原額徵收

一康熙玖年閏貳月雲南巡撫李天浴題稱戶部咨查各州縣有無額徵私鹽銀兩一案臣行據該司道詳稱滇省黑白琅等玖井年該課稅銀兩俱係照額徵收隨撥東省兵餉歷年題

報在案並無別有派徵私鹽定額暨巡鹽官役包賠以及民間派取臣部覆

准查該撫疏稱並無派徵私鹽定額官役包賠派取應無

庸查議

一康熙拾年正月雲南巡撫李天浴為鹽壅不行萬難
賠課願恩通變以救商命題稱滇省玖井鹽課每年
共壹拾捌萬餘兩內黑鹽一井額銀拾貳萬兩有奇
以各井較之則黑井已供三分之二而行鹽地方與
他井等未免偏枯前因課重鹽貴民不為食題請量
減未蒙

恩允但臣目擊鹽壅商困若不急為調劑恐非永久之計
查只舊草溪一井額課止銀貳百陸拾餘兩而行鹽

則有武定一府和曲祿勸二州地方甚廣且為黑井
弊竇合無將該井裁去盡食黑鹽其年額課銀即令
黑井加納又元謀一縣屬武定府轄向食白井鹽斤
查白鹽一井年額課銀止貳萬捌千餘兩比黑井減
少三倍而行鹽地方與黑井等應並將元謀一縣亦
令改食黑鹽則額課不虧而商困少蘇矣臣部議覆
查產鹽之所與行鹽州縣各有定界今裁去只舊草
溪一井食用黑鹽將食白鹽之元謀一縣亦令改食
黑鹽止議有便商人是否有便民食臣部不便遽議

請

勅該督撫詳加議妥具題隨據該撫會同該督甘文焜覆稱黑井行鹽地方與白井等而額課三倍於白井鹽商領鹽貨賣必欲多價方敷納課百姓憚其價貴不能買食以致壅滯是見在之商民交困也今若將行鹽地方一為推廣則鹽無壅滯價亦可減民亦易食實商民之兩便者又查只舊草溪一井出猶淡而苦必藉黑井鹽沙煎熬始能成鹽且課少地廣更屬不均故議裁去即改食之民得食好鹽無有不便又元

謀一縣離黑井甚近改食亦便臣部覆

准查該督撫裁去只舊草溪一井并元謀一縣俱改食黑井之鹽商民兩便久遠可行相應如議裁改課銀令黑井照數加納

一康熙拾年伍月雲南巡撫李天浴題稱滇南改井產自窮谷深山其遵額辦課運發鹽斤大與別省不同竈煎商運悉照行鹽處所發賣查黑白琅三井督催課鹽俱係照票支鹽其額徵課稅俱照定數解納掣驗之事從未舉行如加鉅之弊本井煎出鹽斤成塊

鋸發照票交商俱不用包並無掣官不論輕重暗掛斤兩之事其坐斤之弊本井每票額有定數照例給商領運並無復有填單皮票名色亦無掣官不論斤重有無預定餘鹽之事又做斤改斤之弊本井給瀆煎鹽照票發商并無掣官暗自做斤改斤之事至於填產井鹽俱深山箐底不通舟楫止用牛驢駝運由山徑至行鹽地方變賣並無設立名色私派等項又安寧雲龍阿迺景東彌沙只舊草溪六小井鹽例係竈戶煎出賣與興販商人井官按期解課並無設立掣驗及加鈔坐斤做斤改斤之弊至於鹽由山路或牛驢運載或人力背挑從無每緡亦無設立名色私派等弊取具該司道印結存案臣部覆

准該撫查稱無私派等項諸弊無可議

鹽法考卷之二十

貴州

屬禹貢荆梁二州境內地全省
歷不產鹽故無司分場竈足紀

歷代沿革

黔無鹽惡乎考黔何以無鹽也曰黔為禹貢荆及衡

山惟荊州華陽黑水惟梁州之南境蓋殷周所謂鬼

方者也漢屬牂牁郡宋置大萬谷樂總管府元改順

元路明設有宣慰使道四曰貴寧曰威寧曰都清曰

思石總名曰黔陽官則流土相參民多程番雜處共

轄府拾肆州玖縣壹拾有伍僻處萬山軍糧胥仰給

川湖而皆不出鹽故歷代以來黔之鹽法無傳焉然黔無鹽黔屬拾肆府玖州壹拾伍縣之民不能不食乎鹽黔民不能不食乎鹽則黔之商乃出黔有商則鹽之利以興法以立而四方之鹽至乎黔者即其鹽也四方之鹽惟何曰黔東抵湖廣湖廣與貴州同非產鹽之區乃淮鹽則浮江漢由湖廣而達乎貴州黔無鹽淮之鹽且自東至矣南抵廣西廣之鹽從不及黔西抵雲南雲南通黔道雖一線然黔自平溪驛歷鎮遠城壤接雲南界楊博曰貴州與雲南固相為唇齒者也黔無鹽雲之鹽且自西至矣北抵四川考蜀地出川之鹽或從富義運至永寧以入貴州或從華池運至遵義以入貴州黔無鹽川之鹽則且由富及華又咸自北至矣鹽至則商集商集則利之所至弊即存焉而法又惡容以一刻少哉獨是不可與腹司同日而語者蓋腹裏各司柱史率之運使統之且兩淮之課至壹百伍拾餘萬矣二浙亦踰叁拾餘萬矣次及蘆東諸路亦課各叁拾萬拾數萬不等而黔鹽獨無課且其所謂稅者不過伍千兩有奇而率統諸

藩司非有耑屬則其為利也亦云僅矣雖然尺土一
民莫非王制勺醵釐課總屬度支蓋鹽法之大要惟
課而課之所辦與課之所出者則惟商與竈黔無鹽
固無竈凡竈之利當興與竈之害當除及竈之困若
勞悴當恤其見之諸司者是不可不列於黔夫惟黔之
肩挑者背販者持票而上稅輸課而至司者曾不及
淮浙巨艦而運轂擊而載者之萬一而亦名之曰商
其出納者幾何而不厚加之體恤黔尚有鹽哉斯則
醵法之疏通又不無於承宣之於蕃而有厚賴爾

司醵官制

按該省原不產鹽故不行引不過販賣川滇淮鹽抽
稅而已既無場竈又無額課所以無耑設鹽官惟布
政司同清軍糧驛道兼理造報而抽稅督理則惟各
府州縣之責

黔稅則例

一貴州歲徵鹽稅銀伍千柒百叁拾陸兩伍錢玖分肆
毫

順治拾捌年總督趙廷臣題稱貴州全省食鹽皆仰

給於四川淮滇各省不過黔省窮黎前赴各界零星
販賣非如別省用引給商可比至徵收稅銀明季舊
例多寡不等貴州自順治拾陸年始設抽收貴陽普
定貳稅每鹽百斤照舊例抽稅貳錢思南切近川界
向日每百斤止抽銀壹錢鎮遠係食准鹽舊例每包
止徵稅貳重柒毫伍絲今俱照貴陽之例徵收又普
安壹州與滇界接壤滇鹽運行較川鹽脚費畧減每
百斤徵銀叁錢臣部以行鹽自有定制抽稅豈容多
寡請行該督酌定歲額銀數續據督臣楊茂勳覆稱

黔處天末遐荒食鹽取給他省查普安新興等處則
食滇鹽鎮遠銅仁等府則食准鹽貴陽平越都勻安
順思南石阡等府則食川鹽至行鹽原無定數鹽稅
亦無定額止計商之多少爲稅之盈縮除舊例每鹽
百斤收稅貳錢今議增肆分勒爲定額臣部覆

准貴陽等處每鹽百斤稅銀貳錢肆分普安州每百斤稅
銀叁錢暫爲額數又覆巡撫羅繪錦題永寧衛治與
四川交界同居貴稅設在東門每鹽百斤亦照貴陽
等處徵收令該撫每年將通省抽收鹽稅貴陽安順

鎮遠普安肆大稅永畢烏撒肆中稅思銅貳府平大
黔參稅造報今按康熙拾年奏銷數共伍千柒百參
拾陸兩零查每年奏銷微有多寡不同遇閏則每至
陸千貳百餘兩原無定額

各府額徵鹽稅并分運發賣地方

貴陽稅

貴陽府係食川鹽每百斤稅銀貳錢肆分歲共徵銀貳
千捌百捌拾伍兩貳分壹厘其分發地方則

本府屬

定番州

廣順州

開州

新貴縣

貴定縣

貴州衛

貴前衛

龍里衛

敷勇衛

平越府屬

黃平州

湄潭縣

甕安縣

餘慶縣

平越衛

新添衛

都勻府屬

麻哈州

獨山州

都勻衛

威清衛

黃平所

于襄所

脩文所

濯靈所

息烽所

柔遠所

威武所

安順稅

安順府係食川鹽其鹽自鳴池進省於彼地每百斤稅

銀貳錢肆分運安順合票亦照例抽收歲共徵銀

壹百陸拾捌兩玖分陸厘其分發地方則

本府屬

鎮寧州

永寧州

平壩衛

普定衛

安莊衛

定南所

鎮遠稅

鎮遠府係食淮鹽每百斤稅銀貳錢肆分歲共徵銀壹

百貳拾玖兩肆錢壹厘肆毫其分發地方則

本府屬

鎮遠縣

施秉縣

思州府

清平衛

興隆衛

普安稅

普安州係食滇鹽每百斤稅銀叁錢歲共徵銀柒拾兩

叁錢伍分貳厘其分發地方則

本州屬

普安縣

安南衛

普安衛

安籠所

新城所

新興所

永寧稅

永寧衛係食川鹽每百斤稅銀貳錢肆分歲共徵銀叁

百壹拾貳兩貳錢肆分壹厘其分發地方則

赤水衛

普市所

畢節稅

畢節衛係食川鹽每百斤稅銀貳錢肆分歲共徵銀叁

百壹拾兩捌錢叁分捌厘分運附近衛屬地方發賣

烏撒稅

烏撒衛係食川鹽每百斤稅銀貳錢肆分歲共徵銀玖拾叁兩叁錢叁分柒厘本衛地方發賣並

威寧府

鴨池稅

鴨池渡係食川鹽每百斤稅銀貳錢肆分歲共徵銀柒百壹拾貳兩肆錢壹分運發賣地方則

赫聲所

鎮西衛

平遠稅

平遠府係食川鹽每百斤稅銀貳錢肆分歲共徵銀柒拾壹兩壹錢捌分在本屬地方發賣

大定稅

大定府係食川鹽每百斤稅銀貳錢肆分歲共徵銀伍拾伍兩陸錢伍分貳厘在本屬地方發賣

黔西稅

黔西府係食川鹽每百斤稅銀貳錢肆分歲共徵銀叁百伍兩伍錢壹分壹厘在本屬地方發賣

思南稅

思南府係食川鹽每百斤稅銀貳錢肆分歲共徵銀肆
百肆拾捌兩叁錢分運發賣地方則

本府屬

安化縣

印江縣

婺川縣

石阡府屬

龍泉縣

銅仁稅

銅仁府係食淮鹽每百斤稅銀貳錢肆分歲共徵銀壹

百柒拾肆兩貳錢伍分壹厘分運發賣地方則

本府屬

銅仁縣

黎平府并所屬永從縣與楚連界係食楚省收稅淮鹽
該府縣例不重徵

貴州事例

一順治拾捌年肆月雲貴總督趙廷臣題稱貴州經制官兵盔甲器械勢所必需查貴州有川鹽之稅雖為數不多請

旨量加分毫積少成多每季查各營之缺乏軍器者給以製造計食鹽之家不過捌口終歲需用無幾增之分毫未必厲民臣部覆

准查製造盔甲器械不應動支臣部錢糧難以准從但該督疏稱貴州有川鹽之稅

本朝因黔省初定一切行鹽徵課事宜未經行查不便懸
議請

勅川貴兩省督撫并川按將該省川鹽之稅查明原額若
干每包徵稅若干見今作何運行作何徵收從前銀
兩何項支用今議量增若干是否全省盡食川鹽逐
一確查會

題以憑議覆

一順治拾捌年閏柒月貴州巡撫卞三元題稱查貴州
思南石阡府原食四川射洪鹽由川江順流而下至

培州轉入彭水小河進思南府承平之日舟楫相通
商賈輻湊後自流寇入川射洪鹽井閉塞灶戶逃亡
止有彭水郁山鎮鹽井產鹽無多小販以扁舟由小

江裝載灘高水急船經拾數次更換方抵思南地界
每包伍百斤舊制納稅銀貳錢伍分順治拾伍拾陸
兩年楊家崗路隔郁山鹽販阻塞至順治拾柒年內
方有零星小販背負肩挑該府查照每包伍百斤納
稅貳錢伍分之例秤驗徵收自順治拾柒年叁月貳
拾壹日開稅起算至拾捌年肆月貳拾日止共收過

稅銀參百貳拾柒兩零貯庫臣部覆

准查該撫所報新收鹽稅先經雲貴總督趙廷臣疏稱貴州官兵缺乏盔甲器械查貴州有川鹽之稅雖為數不多請量加分毫查其各營缺乏軍器者給以製造臣部因黔省初定一切行鹽徵課事宜未經行查不便懸議請

勅川貴兩省督撫將該省川鹽之稅查明原額若干徵稅若干今議增若干逐一確查會題覆奉

俞旨去後今該撫將思南壹府新收鹽稅報明其該省合

屬一切行鹽事宜舊例未見查報仍請

勅該撫遵照前

旨速行會同各督撫查明具題以憑議定經制至於鹽稅銀兩聽候撥餉

一康熙元年貳月雲貴總督趙廷臣題稱貴州全省食鹽皆仰給於四川淮滇各省但行鹽徵課全無舊例可考亦無額載成數所行之鹽不過黔省窮黎攜本前赴川楚滇界截販發賣臣往來道路目擊肩挑背負非如別省用引給商可比至徵收稅銀據該司道

詳查貴陽府稱黔省邊郡古不產鹽所食之鹽皆由川而來不過人挑馬駝非舟車所至川流不息者同每鹽壹百斤徵行稅銀貳錢是明季頒定則例今亦相沿為例也安順府稱府屬地方一切運行川鹽販於西路鴨池思蠟三公等渡由各屬變賣雖有府稅商販鹽斤多寡不等援明季相沿之例每百斤徵課銀貳錢至於普安稅據該州驗報州屬俱食滇鹽每鹽壹百斤徵課參錢思南府稱鹽課之徵雖無冊籍可稽而往例猶得咨訪查川鹽入黔自明季成化年間

行至崇禎之末初時地方太平無兵無費四川射洪縣鹽井頗多價值亦賤商人領引販賣每引貳萬參千斤由川江下至涪州轉江入彭水縣將原引繳回出境至思屬龔灘換鹽築成大包每包重伍百斤過司渠設有巡檢在彼秤盤明白填票到府其徵收之額原日每包止徵正稅陸分至明季天啓以後地方日漸多事苗蠻出劫設立印江縣營兵於每包加兵餉銀貳錢伍分及至明末崇禎拾壹年又加兩院公費銀壹錢貳分衙用銀陸分計每包共徵銀肆錢玖

分是每百斤該銀壹錢此舊制也頃因射洪之鹽不通郁山四井所產有限且行鹽之地止在思南附近商販寥寥徵收無幾前詳督撫每鹽壹百斤定徵銀貳錢已著為例順治拾柒年始分設抽收以所收多寡起解布政司若夫行鹽地方先年射洪鹽廣商多船運不絕由思南裝至萑閃渡起早九甕安餘慶而上以至黃平平越由石阡鎮遠以至興隆清平各府州縣衛所場市無不通行自射洪一路不通不過思南壹府行鹽川南之鹽由遵義者不脛而走淮海之

鹽由辰沅者舟載以入况郁山滄薄灶稀商賈不集該府鹽稅遂不及當年百分之壹矣若欲有濟軍需必須仍行射洪鹽井禁飭兩路私販又鎮遠府稱鎮遠鹽法查明季萬曆年間事例准鹽止通鎮遠其偏橋以上盡食川鹽歷來舊例非今日矣遵行嚴禁准鹽不許越界但鎮遠地狹民稀其准鹽消發無幾查古例每准鹽壹包重捌斤半上納稅銀貳厘柒毫伍絲今奉則例每鹽百斤定稅銀貳錢是每鹽壹包該稅銀壹分陸厘徵例已定查貴州明季舊例有多寡

不等自順治拾陸年分始設抽收貴陽普定貳稅每
鹽百斤仍照相沿例抽稅貳錢思南地近川界向日
每百斤止抽稅壹錢因無畫一之規亦令照貴陽普
定之例徵收如鎮遠係食淮鹽舊例每包止徵稅貳
厘柒毫伍絲在今日亦照川鹽事例行之他如普安
壹州與滇界接壤滇鹽運行較川鹽腳費畧減故每
百斤徵稅參錢此行鹽抽稅之事例也所收鹽稅造

冊奏報臣部覆

准查各省行鹽俱有一定經制抽稅豈容任意多寡且疏

內止稱貴陽安順普安思南等府有納稅之例未聞
某府州縣係食某省之鹽何壹省所食鹽課每歲止
貳千餘兩請

勅該督將全省地方分別某府州縣食某省之鹽行鹽若
干歲定額銀若干有無隱漏作何增加造冊具題以
憑議定經制嗣後鹽稅應充該省兵餉不得那移別
用至於每年奏銷鹽稅另為造報不得溷入雜稅

一康熙元年伍月貴州巡撫卞三元題稱貴州銅仁壹
府明時舊例原食淮鹽若遇淮鹽到銅乃有過地小

稅近日間有往來客商帶有食鹽應照例抽收雖錙銖之微末亦係

國課目今彙報錢糧此項稅銀應同思南鹽課一併造冊

題報查得銅仁府奉行徵收准鹽之稅在順治拾捌年陸月初柒日開收起查准鹽今不到銅發賣若有小客順帶方有少許因時有時無稅課有限又查思南鹽稅止有四川彭水縣郁山鎮鹽井產鹽小販以扁舟由小江遠載船經拾次更換方抵思南地界故商

販稀少稅課無多收過鹽課銀兩另疏

題銷臣部覆

准查該省思南府銅仁府鹽稅銀兩覆核無異

一康熙元年拾壹月貴州巡撫羅繪錦題稱貴稅係古制川稅乃繼設古制貴稅每鹽壹包重貳百肆拾斤納課銀壹錢柒分稅銀貳分伍厘其雜貨照本銀多寡每兩納稅銀叁分川稅設自奢酋叛後每鹽壹票重貳萬肆千斤徵稅銀肆兩捌錢雜貨亦照本銀多寡每兩徵銀叁分乃舊時陋規相沿徵收順治拾捌

年督撫題准永寧小稅於參月初壹日開徵因尚未
題明則例故暫照貴陽鎮遠普安則例於布政司請
示徵收蒙發印信則例簿壹本每鹽百斤照貴陽鎮
遠徵銀貳錢此貴稅新立徵收之則例自本年參月
奉

旨再立川稅水客鹽船到岍每鹽壹票重貳萬肆千斤徵
銀貳兩肆錢又山客小販每鹽壹百斤徵銀貳分肆
厘其保寧重慶嘉定雅州各路水路雜貨從小西門
大西門上水北門下水北門南門伍處出入者俱係

川稅徵收止東門壹門出入鹽斤雜貨聽貴稅徵收
至若川稅數目多寡彼自開徵報四川督撫司道查
核至黔稅行鹽數目若干計自上年參月至康熙元
年正月約壹年拾貳個月之數計行鹽貳拾參萬壹
千玖百貳拾參斤此又貴稅新立行鹽之數目也今
既貳省門路各有不同則稅銀亦自不一倘有增減
因時轉移况兩稅並立盈縮更難預定臣部覆

准查永寧壹城徵收鹽雜稅銀數目則例既經該撫查明
相應暫如所議徵收至於該省所收鹽稅不止壹處

疏內尚未細列應令該撫將通省抽收鹽稅查明共有幾處作何徵收每年約共得稅銀若干備造清冊具題以後將通省鹽雜稅銀按年另冊奏銷兩稅不得溷入壹處造報

一康熙貳年參月貴州總督楊茂勳題稱黔省行鹽原與他省不同黔省路少山大舟車所不能至不過零星肩擔背負而已多則多收少則少報且壹省所食之鹽有淮鹽川鹽滇鹽之異如安順所屬普安新興等處則食滇鹽者也如鎮遠所屬鎮遠施秉貳縣及平

溪清浪偏橋邛水並銅仁府則食淮鹽者也如貴陽平越都勻安順思石等府州縣則食川鹽者也壹歲之內行鹽原無定數鹽稅亦無定額止視商之多少以為稅之盈縮而已至於前所報收過稅課銀貳千餘兩皆據各府填報循環毫無隱漏其課銀作何增加查往歲抽收則例每鹽百斤徵課銀貳錢今議於貳錢之外增加肆分但稅重利輕恐商販不前難以再為議加嗣後鹽稅一項不復混入雜稅於奏銷時另為造報臣部覆

准查收抽鹽稅既經該督查明貴陽等處每百斤增銀肆分應如所議暫為額數其普安州前經具題每百斤稅銀叁錢今既未經說明應令該督另行具題嗣後令巡撫照舊填報循環嚴行稽察使無欺隱其稅銀止充兵餉年終另冊奏報

一康熙叁年貳月貴州總督楊茂勳題稱普安州鹽稅先每百斤徵銀貳錢自順治拾柒年以來每百斤徵稅銀叁錢昨因邊兵缺乏軍器等事一案於通省鹽稅內每百斤增銀肆分然普安州鹽稅較諸別處連

前所增比貳錢肆分之外已多六分矣今經查明難以再加合無仍照叁錢徵收一體填入循環充餉臣部覆

准查普安州鹽稅既經該督查明先已議增今難再加相應准其仍照前題每百斤徵銀叁錢將通省各處鹽稅收支數目統於年終奏銷不得遺漏

一康熙叁年閏陸月貴州巡撫羅繪錦題稱貴州通省鹽稅如永寧畢節烏撒鴨池肆小稅原不分鹽雜前撫題允驛遞之用今康熙貳年分因遷移滇眷商貨

阻塞合鹽雜湊入供應尚不敷用又如普安稅已徵
加參錢難以再增俱經題明在案惟貴陽安順普安
鎮遠肆大稅並思銅兩府鹽稅皆係布政司徵收轉
行各稅各將抽收過鹽稅銀兩分晰另冊造報今據
各府州開報查貴陽安順鎮遠普安肆稅並思南銅
仁貳府康熙貳年分連加增收過鹽稅通共銀貳千
捌百玖拾壹兩伍錢壹分貳毫聽該司報銷臣部覆
准查冊開貴陽安順鎮遠思南銅仁伍府普安壹州康熙
貳年分通共新收鹽稅銀貳千捌百玖拾壹兩伍錢

零今該撫照數貯庫候文撥充兵餉另為報銷不得
那用至於該省鹽稅除今報到伍府一州之外尚有
平越都勻思州各府及肆土司黎平府因何並無鹽
稅此外仍有無遺漏未造應令一併確查報部

一康熙伍年捌月貴州巡撫羅繪錦題稱先奉部文內
開以後奏銷鹽稅應令驛鹽道會同布政司將管收
除在數目總造壹冊具

題不得再將鹽稅支數另入於布政司雜稅疏內具題
致滋牽混行據貴陽安順鎮遠思南銅仁伍府普安

一州各造報鹽稅清冊奏銷臣部覆

准存庫銀兩聽候部文撥餉嗣後應將永寧等處通省一切鹽稅分別行過鹽包數目總於鹽稅冊內奏銷

一康熙柒年陸月貴州巡撫羅繪錦咨稱查黔省貴陽等拾府及新疆平大黔威肆府共壹拾肆府定番等玖州新貴等拾伍縣共所屬參拾捌府州縣地方原不產鹽俱係川楚滇叁省商販運賣隨設有稅處照額上納鹽課查貴陽安順平越都勻石阡思南平遠大定黔西威寧等拾府定番廣順開州鎮寧永寧黃平

獨山麻哈等捌州新貴貴定湄潭甕安餘慶清平龍泉安化印江婺川等拾縣以上共貳拾捌府州縣係食川省運來之鹽又查鎮遠思州銅仁黎平肆府鎮遠施秉銅仁永從肆縣共捌府縣與楚省連界係食楚省運來淮鹽又普安州普安縣貳屬與滇省連界係食滇省運來之鹽再查鹽課係於黔省貴陽安順普安鎮遠等肆大稅永畢烏鴨肆中稅及思銅貳府照商販運來之鹽按數徵收原無定額隨時消長不一每百斤鹽額抽課銀貳錢肆分按季解交司庫聽

文撥支驛用及充兵餉年終造冊奏銷臣部查普安
州原題每百斤稅銀叁錢今冊內止開銀貳錢肆分
與原數不符又該省所設永寧畢節烏撒鴨池肆處
抽稅之鹽斤係行於何州縣冊內並未開列其平越
都勻石阡思州黎平等府州縣因何食鹽俱不抽稅
冊內並未開明俱應移咨該撫查明報部續准該撫
咨稱都勻府屬州縣地方盡係九種苗蠻凡日用皆
藏灰灑水醃食從來食鹽原少惟各城屯漢人食鹽
亦屬無幾其鹽斤俱係蜀鹽都勻獨山兩州城外場
市設有小稅照以則例每鹽壹百斤收稅課銀貳錢
肆分同雜稅各登循環又平越府州縣地方不通舟
楫原無鹽商至府照引徵稅之例人民所食鹽斤俱
係小販由黃平餘慶轉買肩挑背負至揚老鷄場發
賣遵依先奉頒發則例每鹽壹百斤抽收稅銀貳錢
肆分造入經徵揚老鷄場雜稅項內填報循環又石
阡府屬龍泉縣地方荒殘小郡舟車不通百姓無多
間有一二小民自思南轉販鹽斤不過手提擔挑已
入西門場雜稅內徵收又思州府前明思州民苗俱

食准鹽設有鹽稅委官在平溪抽徵我

清開黔此項鹽稅歸併鎮遠府抽收思州遂無食鹽額稅
又黎平府屬雖有壹縣拾貳土司俱係苗彝並無漢
民荒僻邊鄙不通舟楫從未出境興販自故明以及
開關至今並未設有鹽稅府州縣司萬山苗窟商賈
絕跡日用鹽斤俱食准鹽係湖廣洪江靖州小販肩
運到彼零星發賣從未抽稅再查永寧畢節烏撒參
稅之鹽即行於各該衛屯站地方及上至威寧府下
至大定府鴨池稅之鹽行於安順府並該府屬地方

其普安稅鹽課每百斤自設稅之初即係徵銀叁錢
至康熙參年內為邊兵缺乏軍器等事將各稅之鹽
每百斤增加稅銀至貳錢肆分而普安州之課已徵
叁錢無容再加臣部覆議該撫咨稱普安州鹽稅係每百
斤徵銀叁錢外至於平越都勻石阡各府州縣鹽稅
因何滙入雜稅之內抽收將來如何稽核其黎平思
州貳府又從未說有鹽稅法不畫一再查該省所屬
貳拾衛拾所某處有無鹽稅俱未開明應令該撫逐
一確查另議成法按各府州縣衛所分晰明白備造

清冊送部查核另議

一康熙政年貳月貴州巡撫佟鳳彩咨稱平原府屬所食鹽斤皆由貴陽府納稅分散府屬州縣衛所各地方發賣鹽稅既經貴陽府抽收平越府無復重設之理止有楊老鷄場小販鹽斤來自四川遵義肩挑背負易換牲畜之類遇有抽收此微因而併入雜稅數內登報都勻府屬麻哈獨山貳州僻在邊隅苗多漢少在九種苗蠻不知食鹽均以蕨灰灑水醃菜在漢民俱食貴陽府販來鹽斤應抽鹽稅已在貴陽納過

都勻不應重抽至於偏僻處所接壤四川交界集場所賣鹽斤未經貴陽納稅者間或抽收無幾難以另立鹽稅是以總入雜稅鹽課解報又石阡府屬及龍泉壹縣地狹民稀界連思南民間所食川鹽於思南賣未皆肩擔挑負其稅已納思南石阡相去不遠無再重收之例至小西門小場係通四川遵義往來時或小販背負來場抽收分厘併入雜稅數內解報又黎平府屬及永從壹縣界在楚省境內凡民間食用鹽斤俱係淮鹽必由楚屬地方納稅本府例不重徵

又思州府地方相近鎮遠民苗日食鹽斤原係鎮遠
納過稅銀之淮鹽思州從來並無重徵之例又貴陽
衛貴前衛設居省會與貴陽府同城其鹽稅係納貴
陽稅局龍里衛接壤省衛所食鹽斤俱係省城買來鹽
稅已在貴陽納過新添衛係通省大路所食鹽斤俱
係貴陽納稅川鹽新添不應再收平越衛與府同城
所食鹽斤俱係貴陽抽稅川鹽清平衛自建以來環
壤徧小原無場市衛屬人民日食鹽斤俱赴鎮遠府
買回納稅淮鹽食用從不再抽興隆衛人民所食鹽
斤俱係鎮遠收稅淮鹽都勻衛與都勻府同城百姓
食鹽均係貴陽府收稅川鹽敷勇衛屬所食鹽斤俱
係貴陽府收稅川鹽例不重複抽收又烏撒衛與威
寧府同城設有烏撒稅所食鹽斤悉歸威寧府抽收
解報畢節衛貳城已立有稅所過鹽斤俱照例抽收
年終具報赤水衛食鹽俱係永寧衛收稅川鹽相去
赤水不上五六十里彼處已設有鹽稅原無再行抽
收永寧衛屬已設有稅抽收鹽稅銀兩年終報銷清
衛所食鹽斤額自貴陽總稅上納原無復收稅銀之

例鎮西衛屬赫聲所設有鴨池稅所食鹽斤俱由鴨池易買鎮西衛從未抽稅平壩衛地方東抵鎮寧西連柔遠南北大道羊腸一線並無鹽稅且上至安順府設有商局相去壹日之程軍民俱係自負買回食用平壩例不重設鹽稅普定衛與安順府同城該府既經照額抽收鹽稅府衛雖別居民無二似難壹地兩收所以從無抽收之例安莊衛屬地方僅去安順府肆拾里所食鹽斤俱由彼處買用亦無再收之例安南衛所屬屯堡皆插在普安州縣衛所之內其地議普安衛與普安州同城該州既已照額抽收彙解不應重設又黃平所與黃州同城軍民攬處所食鹽斤俱係貴陽收稅川鹽無容議添鹽稅於襄所屬地方離省不過壹日之程係食貴陽收稅川鹽毋容重徵脩文所屬地方窄小並無設有場市百姓所食鹽斤俱係貴陽稅買用不便重收鹽稅赫聲所屬地方食鹽已在鴨池河渡抽收鹽稅年終報銷濯靈所地方所食鹽斤俱赴貴陽府買用官鹽歷來并未設有

鹽稅息峰所路通省會所食鹽斤係貴陽上稅之鹽發賣無容再議添設普市所彈丸荒城係食永寧收稅川鹽從未設有鹽稅柔遠所地方寥寥戶口食鹽俱於貴陽零星買用歷無鹽稅威武所轄地方週圍不過參拾餘里所食鹽斤俱賣貴陽府官鹽不應重報鹽稅定南所屬地方原係新疆所食鹽斤俱在安順總稅零星換買從未設立鹽稅安隆所設居偏僻所食鹽斤於普安官鹽分運至所發賣例不重收新城所與普安縣同城百姓稀少所食鹽斤均皆一例

原無再行抽稅之例新興所與普安州相近百姓日食鹽斤俱自行赴普安稅買回從來未設鹽稅蓋以黔省地方接連楚蜀滇粵省近楚省者則食淮鹽是淮鹽已有鎮遠銅仁貳府抽收矣近蜀省者則食蜀鹽已有永寧畢節烏撒鴨池貴陽安順思南等處抽收矣近滇省者則食滇鹽是滇鹽已有普安州抽收矣惟是平越都勻石阡各府州縣界在諸稅之中間有未經納稅者皆係肩挑背負歷來行鹽無多抽收稅銀有限是以從前併入雜稅造報遂為成例又如

黎平思州貳府從來未經設稅蓋緣黎平設居楚省
境內稅經楚省完納其府屬之民日用鹽斤俱係自
行市買不便重徵其思州咫尺鎮遠彼地已徵鹽稅
故從前難以議設實非敢於應稅不稅也至貴州等
貳拾衛黃平等拾叁所有與府州縣同城者有與府
州縣接壤者其鹽稅既已歸之司鹽司稅衙門是又
不便另議增添也臣部覆核無異相應存案備查

一康熙拾年貳月貴州巡撫佟鳳彩題稱黔省行鹽原
與腹裏不同弗通舟車但係肩挑背負零星小販而

已每年所徵鹽稅不敵中土壹縣之多凡見鹽照例
徵稅上納猶稱艱難每於正稅之外各巡鹽人役從
無陋規可循設立名色私販賂尅商販情弊臣部覆

准查既經該撫題稱行鹽並無前弊已經取有行鹽府州

縣印結存照

圖書

國立中央圖書館藏

圖書

